



ՍՈՑԻԱԼԱԿԱՆ  
ՀԵՏԱԶՈՏՈՒԹՅԱՆ  
ԷԹԻԿԱԿԱՆ  
ՈՒՂԵՆԻՇՆԵՐ

Կիրառական ուղեցույց

# ՍՈՑԻԱԼԱԿԱՆ ՀԵՏԱԶՈՏՈՒԹՅԱՆ ԷԹԻԿԱԿԱՆ ՈՒՂԵՆԻՇՆԵՐ

Կիրառական ուղեցույց

ՍՈՑԻԵՍ փորձագիտական կենտրոն

Երևան, 2021

Այս ուղեցույցը ստեղծվել է **ՍՈՑԻԵՍ փորձագիտական կենտրոնի** կողմից, ԴԱՏԱ գործընկերների հետ համագործակցությամբ, «ԴԱՏԱ. տվյալներ հաշվետու և թափանցիկ գործունեության համար» ծրագրի շրջանակներում, ԱՄՆ Միջազգային զարգացման գործակալության ֆինանսական աջակցությամբ:

**ԴԱՏԱ ծրագրի** նպատակն է բարելավել ԶԻԿ-ների՝ տվյալներ հավաքագրելու, վեր- ուծելու և դրանք քաղաքականություններ մշակողներին արդյունավետորեն հաղոր- դելու կարողությունը, ինչպես նաև խթանել միջուլորտային համագործակցությունը՝ ստեղծելով կապեր և ներգրավելով ԶԻԿ-ներին և Կառավարությանը փաստերով հիմնավորված քաղաքականությունների մշակման համագործակցության մեջ:

ԴԱՏԱ գործընկերներն են **Եվրասիա համագործակցություն հիմնադրամը, Բուն TV հիմնադրամը, Դիվիզանի երիտասարդների համագործակցության կենտրոն ԶԿ-ն և ՍՈՍԵ կանանց հիմնահարցեր ԶԿ-ն:**

### Խմբագրակազմ

Հարություն Վերմիշյան  
Հայկ Սմբատյան  
Սրբուհի Միչիկյան  
Լիլիթ Բաբայան

### Ձևավորող

Մանե Արշալույսյան

Խմբագրակազմը հատուկ շնորհակալություն է հայտնում Լուսինե Խառատյանին, Սո- նա Բալասանյանին, Էլինա Ասրիյանին, Ալինա Պողոսյանին և Եվգենյա Պատուրյանին ուղեցույցի բովանդակության բարելավման հարցում արժեքավոր ներդրման համար: Շնորհակալ ենք նաև Տատյանա Դարբինյանին և Արմինե Ղալամդարյանին ուղեցույցի մշակման աշխատանքներում ակտիվ մասնակցության համար:

Բոլոր հեղինակային իրավունքները պատկանում են ուղեցույցի հեղինակներին: Փաս- տաթուղթը կամ դրա առանձին մասերը վերատպելու դեպքում պարտադիր է պատ- շած կերպով հղում կատարել:

Հղման նմուշ՝

ՍՈՑԻԵՍ փորձագիտական կենտրոն, ԴԱՏԱ գործընկերներ. (2021). *Սո- ցիալական հետապոտության էթիկական ուղեցույց. կիրառական ուղե- ցույց*. Երևան: «ԴԱՏԱ. տվյալներ հաշվետու և թափանցիկ գործունեու- լյան համար» ծրագիր

ՍՈՑԻԵՍ փորձագիտական կենտրոն  
Էլ. փոստ՝ [info@soci.es.am](mailto:info@soci.es.am)  
Վեբկայք՝ [soci.es.am](http://soci.es.am)

*Սույն փաստաթուղթը ստեղծվել է Ամերիկայի ժողովրդի աջակցությամբ՝ ԱՄՆ Միջազգային զարգացման գործակալության միջոցով: Այստեղ արտահայտված տեսակետները և ներկայացված բովանդակությունը միմիայն դրանց հեղինակներին են և պարտադիր չէ, որ արտահայտեն ԱՄՆ ՄԶԳ կամ ԱՄՆ կառավարության տեսակետները:*



Այս ուղեցույցի առաքելությունը հետազոտահեն պրակտիկաների զարգացման համատեքստում հետազոտողի բարոյական կերպարի և մասնագիտական դիրքի ընդգծումն է: Այն կարող է օգտակար լինել Հայաստանում հետազոտահեն պրակտիկաներում ներգրավված պետական և ոչ պետական կառույցների, այդ թվում՝ համալսարանների, հիմնադրամների, քաղաքացիական հասարակության կազմակերպությունների, հետազոտական կենտրոնների, ինչպես նաև քաղաքականություն մշակողների և իրականացնողների, փորձագետների, անկախ հետազոտողների և ուսանողների համար:

Ուղեցույցը նպատակ ունի ընդգծելու հետազոտական էթիկայի պահպանման ամենահիմնական և համընդհանուր սկզբունքները և լավագույնս կարող է ծառայել որպես էթիկական գործելակերպի **եյակետ**: Այն նպատակ չի հետապնդում դառնալու էթիկայի պահպանման համընդգրկուն և ամփոփ ձեռնարկ, հետևաբար՝ խմբագրակազմը խրախուսում է չսահմանափակվել այս ուղեցույցում ներառված տեղեկատվությամբ և օգտվել նաև հավելյալ աղբյուրներից՝ կախված իրականացվելիք ուսումնասիրության մեթոդաբանական, թեմատիկ կամ տեխնիկական յուրահատկություններից:

# ԲՈՎԱՆԴԱԿՈՒԹՅՈՒՆ

- 5**    **Հասկացությունների բառարան**
- 7**    **Առաջաբանի փոխարեն**
- 10**    **Մաս 1. Հետազոտական էթիկայի սկզբունքներն ու ընթացակարգերը**
- 11**    1. Հետազոտության նախագծման փուլ
- 13**    2. Հետազոտության իրականացման փուլ
- 16**    3. Հետազոտական արդյունքների մշակման և վերլուծության փուլ
- 17**    4. Հետազոտության արդյունքների ներկայացման/ հաղորդակցման փուլ
- 18**    **Մաս 2. Օգտակար ռեսուրսներ**
- 19**    1. Հետազոտական էթիկա
- 21**    2. Հետազոտություն, փուլեր, ընթացակարգեր
- 23**    **Հավելված 1. Հետազոտական էթիկան ոչ ստանդարտ իրավիճակներում**
- 24**    **Հավելված 2. Տեղեկացված համաձայնության թերթիկի նմուշ**

# ՀԱՍԿԱՑՈՒԹՅՈՒՆՆԵՐԻ ԲԱՌԱՐԱՆ

Այս բաժնում ներկայացված են ուղեցույցում հաճախ հանդիպող հասկացություններն ու մասնագիտական եզրույթները և դրանց՝ խմբագրակազմի կողմից տրված սահմանումները:

<b>Հետազոտող</b>	հետազոտական հմտություններին տիրապետող մասնագետ՝ ընդգրկված հետազոտությունների նախագծման, դաշտային աշխատանքների իրականացման, տվյալների մշակման և վերլուծության գործընթացներում:
<b>Հետազոտվող, հետազոտության մասնակից</b>	հետազոտության նպատակներից բխող անմիջական և/կամ միջնորդավորված տեղեկատվություն տրամադրող անհատ, խումբ կամ կազմակերպություն:
<b>Շահագրգիռ խմբեր/ կողմեր</b>	հետազոտության իրականացման գործընթացներին և հետազոտական արդյունքներին առնչվող, որոշակի շահ կամ հետաքրքրություններ ունեցող անհատներ և հաստատություններ, որոնք կարող են տարբերվել՝ ըստ հետազոտության շրջանակներում իրենց ներդրման և ներգրավվածության աստիճանի:
<b>Մասնագիտական համայնք</b>	հետազոտողների ցանց, որոնք ինքնակազմակերպվում են հետազոտական էթիկայի համընդհանուր սկզբունքների և ընթացակարգերի շուրջ:
<b>Հետազոտության օբյեկտ</b>	հետազոտական հիմնախնդիրը կրող անհատների կամ նյութերի խումբ, որից հետազոտողն անմիջականորեն կամ միջնորդավորված տեղեկատվություն է հավաքագրում:
<b>Մեթոդաբանություն</b>	հետազոտության ընդհանուր տրամաբանությունը և ռազմավարությունը սահմանող, ակադեմիական կամ կիրառական սկզբունքներով հիմնավորված մոտեցում:
<b>Մեթոդ</b>	կոնկրետ գործիքակազմերի, տեխնիկաների և ընթացակարգերի ամբողջություն՝ որոշակի սահմանված կերպով տվյալներ հավաքագրելու համար:
<b>Ընտրանք</b>	հետազոտության օբյեկտի միավորների ամբողջական համախմբից նախապես սահմանված սկզբունքով կազմվող միավորների խումբ, որից հետազոտողն անմիջականորեն տեղեկատվություն է հավաքագրում հետազոտության օբյեկտի մասին:
<b>Տեղեկատվական նյութ</b>	հետազոտության համար նշանակալի տեղեկատվություն պարունակող փաստաթղթեր, անձնական կամ արխիվային նյութեր և այլ տեղեկատվական կրիչներ:
<b>«Հում» տվյալ</b>	դաշտային աշխատանքների փուլում հավաքագրված, դեռևս չմշակված և չվերլուծված տեղեկատվություն:

<b>Նույնականացման տվյալներ</b>	հետազոտության մասնակցի ինքնությունը բացահայտող տվյալներ, այդ թվում՝ անուն, կոնտակտային տվյալներ, ծայրագրություններ, տեսագրություններ, լուսանկարներ և այլն:
<b>Գաղտնի (կոնֆիդենցիալ) տվյալ</b>	տվյալ, որը հայտնի է միայն հետազոտողին և հանրայնացման ենթակա չէ:
<b>Անանուն հետազոտություն</b>	հետազոտություն, որի շրջանակներում տեղեկատվությունը տրամադրողի անձը նույնականացնող տվյալները չեն հրապարակվում:
<b>Հետազոտության նախագծում</b>	հետազոտության իրականացման մեկնարկային փուլ, որում սահմանվում է հետազոտության նպատակը, մշակվում են դրա մեթոդաբանությունը, մեթոդները և տվյալների հավաքագրման գործիքակազմը, սահմանվում են հետազոտության օբյեկտը և ընտրանքը, ինչպես նաև հաշվի են առնվում մի շարք տեխնիկական նկատառումներ (օր.՝ ժամանակ, ռեսուրսներ, կյուբերի հասանելիություն և այլն): Այս փուլը, ըստ էության, նախանշում է հետազոտության ընթացքը:
<b>Տվյալների հավաքագրում, դաշտային աշխատանքներ</b>	հետազոտության իրականացման փուլ, որում հետազոտողը նախապես մշակված մեթոդաբանության շրջանակներում հետազոտության օբյեկտի միավորներից համակարգված կերպով հավաքում է անհրաժեշտ տեղեկատվությունը: Այս փուլի ավարտին կուտակվում են հետազոտության «հում» տվյալները:
<b>Տվյալների մշակում և վերլուծություն</b>	հետազոտության իրականացման փուլ, որում արդեն ստացված «հում» տվյալները ենթարկվում են տեխնիկական և բովանդակային ստուգումների, համակարգվում և պահպանվում են մեկ ընդհանուր առցանց կամ առձեռն շտեմարանում, և նախապես ընտրված մեթոդաբանության շրջանակներում ենթարկվում են վերլուծության: Այս փուլի ավարտին ձևակերպվում են հետազոտության հիմնական բացահայտումներն ու եզրահանգումները:
<b>Հետազոտության արդյունքների ներկայացում/ հաղորդակցում</b>	հետազոտության եզրափակիչ փուլ, որում հետազոտության արդյունքներն ամփոփվում են վերլուծական զեկույցի, հաշվետվության, առաջարկությունների փաթեթի, ձեռնարկի, հոդվածի կամ այլ փաստաթղթերի տեսքով: Այնուհետև, դրանք, ըստ անհրաժեշտության, հաղորդակցվում են հետազոտության շահառու խմբերի հետ՝ փակ կամ բաց ձևաչափով, բանավոր կամ գրավոր ձևով:
<b>Հուսալիություն</b>	հետազոտության որակական ցուցիչ, ըստ որի՝ հետազոտությունն ամբողջությամբ կրկնելու դեպքում ստացված արդյունքները կլինեն նույնական:
<b>Վավերականություն</b>	որակական ցուցիչ, ըստ որի՝ կիրառված մեթոդը չափում է այն, ինչ նպատակադրված է չափել:
<b>Տրիանգուլյացիա</b>	տվյալների հուսալիության ստուգման տեխնիկա, որը ենթադրում է խնդրի ուսումնասիրություն միևնույն հետազոտողի կողմից տարբեր մեթոդներով կամ տարբեր հետազոտողների կողմից միևնույն մեթոդով:

## ԱՌԱՋԱԲԱՆԻ ՓՈԽԱՐԵՆ

Հետազոտական էթիկան հետազոտական գործունեության բարոյական սկզբունքների և ընթացակարգերի ամբողջությունն է, որն ուղղված է հետազոտության նախագծման, տվյալների

հավաքագրման, հետազոտական արդյունքների մշակման և վերլուծության, արդյունքների ներկայացման և հաղորդակցման գործընթացների պատշաճ կազմակերպմանը:



Յետազոտական էթիկայի ուղենիշների մշակման նպատակն է նպաստել.

- հետազոտության ընթացակարգային հիմնավորվածությանը և գրագիտությանը,
- հետազոտության անմիջական մասնակիցների ֆիզիկական, սոցիալական և հոգեբանական պաշտպանվածությանը,
- հետազոտական տվյալների թափանցիկությանն ու անվտանգությանը,
- շահագիգիռ խմբերի շահերի պաշտպանությանը:

Սոցիալական հետազոտությունները նման են բժշկությանը այն առումով, որ երկուսի առանցքում էլ ընկած է միևնույն կենտրոնական սկզբունքը՝ «**մի վնասիր**»: Ընդ որում՝ սոցիալական հետազոտությունների դեպքում չվնասելու սկզբունքը բավականին ընդգրկուն հասկացություն է և ներառում է առնվազն հետևյալը.

### 1. Չվնասել ֆիզիկապես

Յետազոտություններ անելիս մենք հաճախ աշխատում ենք մարդկանց, փաստաթղթերի, անձնական կամ արխիվային նյութերի և տեղեկատվություն պարունակող այլ օբյեկտների հետ: Պետք է հիշել, որ հետազոտությանն առնչվող մարդկանց կամ նյութերին մտադրված ֆիզիկական վնաս հասցնելը թե՛ իրավական, թե՛ էթիկական նորմերի կոպիտ խախտում է:

### 2. Չվնասել հոգեբանորեն և սոցիալապես

Յետազոտողները շատ հաճախ գրուցում են մարդկանց հետ հետազոտության թեմային առնչվող տեղեկատվություն ստանալու նպատակով: Յետազոտության թեմաները հաճախ վերաբերում են մարդկանց անձնական կյանքին, փորձառությանը, նրանց ընկալումներին և դիրքորոշումներին, և երբեմն մենք ստիպված ենք լինում մարդկանց հետ շատ զգայուն և խոցելի խնդիրներ քննարկել: Յետազոտության թեմայից անկախ՝ որոշ դեպքերում հետազոտության մասնակիցները հենց խոցելի խմբերի ներկայացուցիչներ են լինում, օրինակ՝ երեխաներ, միգրանտներ, պատերազմ կամ այլ աղետալի իրադարձություն վերապրածներ: Խիստ կարևոր է, որ մեր վարած գրույցների ընթացքում կամ դրանց արդյունքում մենք հոգեւոցիալական վնասներ չհասցնենք հետազոտության մասնակիցներին:

### 3. Չվնասել մասնագիտորեն

Յետազոտությունների ոլորտը կարևոր և լրջագույն մասնագիտական դաշտ է և պահանջում է պատասխանատվություն ոչ միայն հետազոտության մասնակիցների, այլև բուն դաշտի նկատմամբ: Բարեխիղճ հետազոտողը պետք է իր գործն այնպես իրականացնի, որ այդ հետազոտությունից հետո նույն դաշտում այլ հետազոտողներ ևս կարողանան առանց խոչընդոտների աշխատել: Կարևոր է, որ հետազոտողը անձնական պատասխանատվություն վերցնի մասնագիտական համայնքի առջև, մասնավորապես՝ պահպանի հեղինակային իրավունքները, ապահովի հետազոտության ընթացակարգի թափանցիկությունը, չկեղծի և չնենգափոխի տվյալները, չգրադվի գաղափարական քարոզչությամբ և չդիմի այնպիսի գործողությունների, որոնք կարող են այս կամ այն կերպ վնասել հետազոտական համայնքի հեղինակությանը:

### 4. Չվնասել ինքն իրեն

Երբեմն հետազոտողները կարող են նաև հայտնվել այնպիսի իրավիճակներում, երբ հետազոտության նպատակի իրականացումը հետազոտողին վնասելու ռիսկ է պարունա-

կում: Պետք է հիշել, որ հետազոտողի ֆիզիկական և հոգեբանական անվտանգության ապահովումը նույնքան կարևոր է, և բոլոր այն դեպքերում, երբ կա ֆիզիկական, հոգեբանական, սոցիալական կամ մասնագիտական վնաս կրելու վտանգ, անհրաժեշտ է վերանայել հետազոտության ռազմավարությունը կամ ծայրահեղ դեպքում առհասարակ դադարեցնել այն:

Այս սկզբունքներն առաջին հայացքից կարող են չափազանց պարզունակ թվալ, սակայն հետազոտողները հաճախ նույնիսկ չեն նկատում, որ վնաս են հասցնում: Կարևոր է այս սկզբունքները մտապահել և պարբերաբար վերհիշել հետազոտություններ իրականացնելիս, քանի որ էթիկական սկզբունքների խախտումները կարող են հանգեցնել մի շարք հետևանքների, այդ թվում՝

- հանրության շրջանում մասնագիտության նկատմամբ վստահության և հարգանքի կորուստ,
- հետազոտության արդյունքների խեղաթյուրում,
- մասնագիտական դաշտում ֆինանսական հոսքերի կրճատում,
- մասնագիտական հավատարմագրությունից զրկում,
- երբեմն մինչև դատական պատասխանատվություն:

## Հիշե՛ք.



Եթե կարծում եք, որ հետազոտության որևէ փուլում թվարկված վնասներից թեկուզ մեկն ակնհայտորեն անխուսափելի է, անհրաժեշտ է անմիջապես դադարեցնել հետազոտությունը: Հետազոտության թերությունները շտկելու կամ այն վերանայելու տարբերակներ միշտ էլ կգտնվեն, սակայն մարդկանց կամ նյութերին հասցված վնասները հաճախ անշրջելի կարող են լինել:

Այսպիսով, սույն ուղեցույցի առաջին մասում քննարկվում են հետազոտական էթիկայի սկզբունքները՝ ըստ հետազոտության իրականացման չորս փուլերի: Սկզբունքներից զատ, առանձնացվում են նաև դրանց պահպանմանն ուղղված

որոշ ընթացակարգեր: Ուղեցույցի երկրորդ մասում ներկայացված են հետազոտական էթիկային և հետազոտության իրականացման տարբեր ասպեկտներին վերաբերող մի շարք օգտակար ռեսուրսներ:

## ՄԱՍ 1. ՀԵՏԱԶՈՏԱԿԱՆ ԷԹԻԿԱՅԻ ՍԿԶԲՈՒՆՔՆԵՐՆ ՈՒ ԸՆԹԱՑԱԿԱՐԳԵՐԸ

Սոցիալական հետազոտությունները, անկախ դրանց նպատակից և մեթոդաբանությունից, իրականացվում են չորս հիմնական փուլերով՝ նախագծում, տվյալների հավաքագրում, մշակում և վերլուծություն, ներկայացում (*տես Հասկացությունների բառարան*):

Այս բոլոր փուլերում հետազոտողը կարող է կանգնել տարբեր էթիկական խնդիրների և երկընտրանքների առջև: Ուղեցույցի հաջորդ ենթաբաժիններում քննարկվում են հետազոտական էթիկայի սկզբունքները և որոշ ընթացակարգեր՝ ըստ հետազոտության իրականացման փուլերի:

## o Սկզբունքներ

### Հետևողականություն և պատասխանատվություն.

- Պահպանել և հիմնավորել հետազոտության նախագծման սկզբունքներն ու մեթոդական ընթացակարգերը:
- Հետազոտությունը նախագծելիս օգտվել առկա մասնագիտական գրականությունից, մեթոդական ձեռնարկներից և անհրաժեշտության դեպքում խորհրդակցել հետազոտող-մասնագետների հետ:

### Ինչո՞ւ.



սա կօզնի հիմնավորել հետազոտության անհրաժեշտությունը, առավել հստակորեն սահմանել հետազոտության նպատակն ու խուսափել անիմաստ կրկնություններից կամ արդեն բացահայտված ճշմարտությունների վերարտադրությունից:

- Հետազոտությունը սկսելուց առաջ համոզվել՝ որքանով է հիմնախնդիրն արդիական, և արդյոք ձեզ հետաքրքրող տեսանկյունից արդեն ուսումնասիրված չէ: Եթե այն արդեն ուսումնասիրված է, սակայն կարծում եք, որ նոր ասելիք ունեք, անհրաժեշտ է նախկինում արված հետազոտությունները քննարկել՝ մատնանշելով, թե դրանց շարքն ինչպես եք համալրելու:
- Չառաջնորդվել հարմարության և կամայականության սկզբունքով, այսինքն՝ հետազոտության հետ կապված որոշումները չկառուցել անձնական նախընտրությունների վրա:
- Խուսափել հետևյալ կանխադրույթներից.
  - «առանց հետազոտության էլ խնդիրը պարզ է»,
  - «հետազոտության արդյունքները նախապես կանխորոշված են»,
  - «յուրաքանչյուր անհատ էլ կարող է հետազոտություն անել»:



### Ինչո՞ւ.

այս կանխադրույթները նվազեցնում են հետազոտության իրական արժեքը և տանում են դեպի փակուղի:

### Անկողմնակալություն.

- Հիմնախնդրի սահմանման և իրավիճակների նկարագրության ընթացքում պահպանել հետազոտական չեզոքություն: Այսինքն՝ հետազոտության հիմքերը սահմանելիս խուսափել արժեքային համոզմունքներից և «ճիշտ աշխարհի» մասին պատկերացումներից:



## Ինչո՞ւ.

Եթե վստահ եք, որ գիտեք, թե ինչպիսին պիտի լինի աշխարհը, հարց է առաջանում ինչի՞ համար անել հետազոտություն:

### ○ Ընթացակարգեր

- Հետազոտական ծրագրի/պլանի մշակում;
- Կոնցեպտուալ և/կամ օպերացիոնալ սխեմաների մշակում;
- Գործիքների տեղայնացում, վավերականության և հուսալիության ստուգում:

*Տես նաև «Օգտակար ռեսուրսներ» բաժնում*

## 2. Հետազոտության իրականացման փուլ

### Օ Սկզբունքներ

#### Հետևողականություն.

- Պահպանել մեթոդ/ների կիրառման ընթացակարգային պահանջները:
- Հետևել նախապես մշակված հետազոտական պլանին, իսկ անհրաժեշտ փոփոխությունների/շտկումների դեպքում դրանց հիմնավորումը հստակ արձանագրել հետազոտության արդյունքների ներկայացման փուլում:

#### Ազնվություն.

- Չկեղծել տվյալները:
- Հետազոտվողներին մանրամասն իրազեկել հետազոտության նպատակի, տվյալների անվտանգության, կիրառելիության վերաբերյալ:
- Հետազոտության մասնակիցներին իրազեկել հնարավոր իրավական/բարոյական խնդիրների/ռիսկերի վերաբերյալ:

#### Ներառականություն.

- Հնարավորություն ընձեռել յուրաքանչյուր մասնակցի և/կամ շահագրգիռ կողմի ազատ և անկաշկանդ արտահայտվելու:

#### Անհատականորոնություն.

- Տվյալների հավաքագրումը չսկսել առանց հետազոտվողների նախնական համաձայնության<sup>1</sup>:
- Հարգել հետազոտության մասնակիցների իրավունքները, արժեքները, պատկերացումները:
- Հետազոտության մասնակիցների հետ հաղորդակցվելիս
  - լինել նրբանկատ, համբերատար և պատրաստակամ,
  - չլինել պահանջկոտ, իշխող և կտրուկ:

#### Անանունություն և/կամ գաղտնիություն.

- Հնարավորության դեպքում կիրառել տվյալների անանունությունը պահպանող տեխնիկաներ:
- Անանունությունը պահպանելու հնարավորությունների բացակայության դեպքում ապահովել ստացված տվյալների գաղտնիությունը:

#### Անվտանգություն.

- Խուսափել իրավական տեսանկյունից խնդրահարույց տեղեկատվության հավաքագրումից:

1. Հետազոտությանը մասնակցությունը պետք է լինի կամավոր:

## Ինչո՞ւ.



Նմանօրինակ տեղեկատվության ստացումը կարող է հետազոտողին դնել էթիկական լուրջ երկընտրանքի առջև, որում նա, օրինակ, ստիպված է ընտրել հետազոտողի անձի գաղտնիությունը պահպանելու և քրեորեն պատժելի արարքի մասին ծանուցելու միջև:

- Չկիրառել այնպիսի տեխնիկաներ և/կամ ընթացակարգեր, որոնք կարող են հետազոտության մասնակիցներին ֆիզիկական, սոցիալ-տնտեսական և/կամ հոգեբանական վնաս պատճառել:
- Հաշվի առնել հետազոտության մասնակիցների սոցիալ-մշակութային առանձնահատկությունները:

### Արդարություն.

- Արդար վարձատրել հետազոտողներին (ներառյալ դաշտային աշխատանքներում ներգրավված անհատներին)՝ կիրառելով վարձատրության և խրախուսման ընդունելի ֆորմալ և ոչ ֆորմալ ընթացակարգեր:
- Հնարավորության դեպքում խրախուսական նվեր տալ հետազոտության մասնակիցներին՝ որպես շնորհակալություն նրանց ժամանակի և տրամադրած տեղեկատվության համար:

### Բարեխղճություն և սոցիալական պատասխանատվություն.

- Հետազոտական դաշտը լքել՝ չխաթարելով հետազոտության մասնակիցների սկզբնական միջավայրը:
- Դաշտային աշխատանքների իրականացմամբ չխոչընդոտել հետագա հետազոտողների մուտքը դաշտ և/կամ չխաթարել հետազոտողի հեղինակությունը:

## ○ Ընթացակարգեր

- Անանունությունը պահպանող գործիքների մշակում:
- Հետազոտողների վերապատրաստում և վերահսկողություն:
- Չգայուն թեմաների դեպքում իրավական և/կամ հոգեբանական խորհրդատվություն:
- Հետազոտությունն իրականացնողների հետ աշխատանքային հարաբերությունների մշակում՝ համաձայն գործող աշխատանքային օրենսգրքի, կամավորական գործունեությունը կարգավորող իրավական և/կամ ծրագրային սկզբունքների:
- Համաձայնության թերթիկի (Informed consent form) մշակում<sup>2</sup>, որը պետք է ներառի.
  - Տեղեկատվություն հետևյալի շուրջ.
    - ուսումնասիրության նպատակ և հետազոտության կանխատեսվող հետևանքներ,

2. Համաձայնության թերթիկի կիրառումը հատկապես պարտադիր է, եթե գործ ունենք խոցելի խմբերի, երեխաների կամ զգայուն թեմաներով հետազոտության մասնակիցների հետ:

- ֆինանսավորողների և հովանավորների ինքնություն,
  - արդյունքների հետագա կիրառություն,
  - ուսումնասիրության հնարավոր օգուտներ և հնարավոր վնաս կամ անհանգստություն,
  - տվյալների պահպանման և անվտանգության հետ կապված հարցեր,
  - անանունության և գաղտնիության աստիճան:
- Ձայնագրությունների և/կամ այլ տեխնիկական միջոցների կիրառության թույլտվություն:

*Տես նաև «Օգտակար ռեսուրսներ» բաժնում*



# 3. Հետազոտական արդյունքների մշակման և վերլուծության փուլ

## o Սկզբունքներ

### Անանունություն և գաղտնիություն.

- Պահպանել անանունությունը երաշխավորող տեխնիկական ընթացակարգերը:
- Ուղիղ խոսքի մեջբերումներ անելիս դրանցում չկիրառել անձնական տվյալներ, որոնց միջոցով հնարավոր է նույնականացնել հետազոտության մասնակցին:
- Չհրապարակել անձնական տվյալներ պարունակող հետազոտական արդյունքներ<sup>3</sup>:

### Թափանցիկություն.

- Հետազոտության նախագծման և/կամ դաշտային աշխատանքների իրականացման սահմանափակումների/սխալների արդյունքում ծագած, այդ թվում՝ տվյալների հուսալիության և վավերականության խնդիրները չթաքցնել հետազոտության շահագրգիռ կողմերից:
- Այլ հետազոտողների և հետազոտության շահագրգիռ կողմերի համար ապահովել հետազոտական անանուն «հում» տվյալների, վերլուծական սխեմաների և ընթացակարգերի հասանելիություն, եթե չկան հակառակը պարտադրող հանգամանքներ (օր.՝ ֆինանսավորողի համապատասխան պահանջ):

### Քննադատականություն.

- Ստուգել հետազոտության տվյալների հուսալիությունը՝ կիրառելով հուսալիության բարձրացման տեխնիկաներ (տե՛ս «Օգտակար ռեսուրսներ», 2-րդ բաժին):
- Հատկապես որակական տվյալների դեպքում կիրառել տրիանգուլյացիայի տեխնիկան:

### Ազնվություն.

- Հղում անել հետազոտության տվյալների, բազաների սկզբնաղբյուրներին՝ հիշատակելով ֆինանսավորման աղբյուրներին ու աջակիցներին:
- Չկեղծել հետազոտության արդյունքները:
- Պահպանել մեջբերումների և/կամ հղումների կանոնները:

## o Ընթացակարգեր

- Գործիքների, մեթոդաբանական ընթացակարգերի, հետազոտական տվյալների շտեմարանների արխիվացում և արխիվների տեղեկատվական անվտանգության ապահովում:
- Հետազոտվողներին նույնականացնող տեղեկատվության կողավորում:

*Տես նաև «Օգտակար ռեսուրսներ» բաժնում*

3. Երբեմն թույլատրվում է նյութը հրապարակել հետազոտվողի անուն-ազգանունով, սակայն միայն վերջինիս գրավոր համաձայնության պարագայում:

## 4. Հետազոտության արդյունքների ներկայացման/հաղորդակցման փուլ

### o Սկզբունքներ

#### Անանունություն և/կամ գաղտնիություն.

- Անձական տեղեկատվությունը ներկայացնել միայն նախնական համաձայնությամբ՝ նախապես քննարկելով, թե ինչը և ինչ չափով կարելի է հրապարակել:
- Հետազոտության «հում» տվյալները հրապարակելու պարագայում վստահ լինել, որ դրանցում չեն պարունակվում նույնականացման տվյալներ (օր.՝ անուններ, կոնտակտային տվյալներ պարունակող տեքստեր, ծայնագրություններ, տեսագրություններ, լուսանկարներ և այլն): Ծայրահեղ անհրաժեշտության դեպքում նախապես ստանալ հետազոտվողի գրավոր համաձայնությունը կամ հրապարակվող տվյալներից չեզոքացնել նույնականացման հավանականությունը:

#### Թափանցիկություն և հաշվետվողականություն.

- Ազնվորեն նկարագրել ընտրված մեթոդաբանությունը, վերջինիս սահմանափակումները, ինչպես նաև իրականացումը, ներառյալ՝ դրա ընթացքում ծագած խնդիրները:
- Հրապարակել հասարակական նշանակալի տվյալները և ապահովել հետազոտության մեթոդաբանության, գործիքների և տվյալների անանունացված շտեմարանների հասանելիությունը, եթե չկան հակառակը պարտադրող հանգամանքներ:

### o Ընթացակարգեր

- Դոկորների հետ հետազոտության արդյունքների հետագա տարածման, թափանցիկության և հասանելիության վերաբերյալ նախնական համաձայնագրի մշակում:
- Դոկորներին և/կամ այլ շահագրգիռ խմբերին տվյալների տրամադրում:

*Տես նաև «Օգտակար ռեսուրսներ» բաժնում*

## ՄԱՍ 2. ՕԳՏԱԿԱՐ ՌԵՍՈՒՐՍՆԵՐ

Այս բաժնում ներառված են մի շարք հավելյալ ռեսուրսներ, այդ թվում՝ հետազոտական էթիկային և առհասարակ հետազոտություններին, դրանց փուլերին և ընթացակարգերին վերաբերող գրքեր, հոդվածներ, հրապարակումներ և այլ փաստաթղթեր: Սրանք կարող են օգտակար լինել ուղեցույցում քննարկված սկզբունքներին և ընթացակարգերին առավել հանգամանալից ծանոթանալու

և դրանք էլ ավելի կիրառական դարձնելու նպատակով:

Ռեսուրսների ցանկը կազմվել է հանրությանը հասանելի մի շարք աղբյուրներից: Այն բնականաբար ամբողջական չէ, սակայն հիմնարար գիտելիքներ կուտակելու և առկա գիտելիքները կոնկրետ ուղղությամբ խորացնելու տեսանկյունից կարող է շատ արժեքավոր լինել:

## Կազմակերպությունների/ասոցիացիաների ուղեցույցներ, կոդեքսներ

1. [American Sociological Association: Code of Ethics](#)
2. [Social Research Association: Research Ethics Guidance \(2021\)](#)
3. [Social Research Association: Ethical Guidelines \(2003\)](#)
4. [Oral History Association: Statement on Ethics](#)
5. [American Anthropological Association: Principles of Professional Responsibility](#)
6. [American Anthropological Association: Code of Ethics](#)
7. [Ethics in Social Science and Humanities \(European Commission, October 2018\)](#)
8. [British Sociological Association: Statement of Ethical Practice](#)
9. [Open Data and Democratic Governance: Policies, Platforms and Practices \(British Sociological Association\)](#)
10. [Ethics Guidelines and Collated Resources for Digital Research \(British Sociological Association\)](#)
11. [Ethical Guidelines for Good Research Practice. ASA](#)
12. [Standards and Operational Guidance for Ethics Review of Health-Related Research with Human Participants](#)
13. [Code of Human Research Ethics. The British Psychological Society](#)
14. [Code of Ethics and Conduct. The British Psychological Society](#)
15. [Code of conduct social science research UNESCO, Paul de Guchteneire](#)
16. [Ethics best practice guidance on conducting research with human participants during Covid-19. BPS](#)
17. [IVSA Code of Research Ethics and Guidelines \(2009\) Diana Papademas & the International Visual Sociology Association, Visual Studies, 24:3, 250-257](#)

## Գրքեր

1. [Earl Babbie \(2010\) The Practice of Social Research, Wadsworth](#)
2. [Rose Wiles \(2014\) What are Qualitative Research Ethics?](#)
3. [Paul Oliver \(2003\) The Students' Guide to Research Ethics](#)
4. [Donna M. Mertens, Pauline E. Ginsberg \(2009\) The Handbook of Social Research Ethics](#)
5. [Mark Israel, Iain Hay \(2006\) Research Ethics for Social Scientists](#)
6. [David B. Resnik \(2018\) The Ethics of Research with Human Subjects: Protecting People, Advancing Science, Promoting Trust, Springer International Publishing](#)

7. [Ron Iphofen \(2009\) Ethical Decision Making in Social Research: A Practical Guide](#)
8. [Martyn Hammersley, Anna Traianou \(2012\) Ethics in Qualitative Research: Controversies and Contexts](#)
9. [Dr Melanie Mauthner, Maxine Birch, Julie Jessop, Tina Miller \(2002\) Ethics in Qualitative Research](#)
10. [Isabella Paoletti, Maria Isabel Tomas, Fernanda Menendez \(Eds.\) \(2013\) Practices of Ethics: An Empirical Approach to Ethics in Social Sciences Research](#)
11. [Ethics and Social Research, S. Ali and M. Kelly \(Chapter 5 in Researching Society and Culture, 2004\)](#)
12. [Sana Loue \(2000\) Textbook of Research Ethics: Theory and Practice](#)
13. [Joan Cassell \(auth.\), Joan E. Sieber \(eds.\) \(1982\) The Ethics of Social Research: Fieldwork, Regulation, and Publication, Springer-Verlag New York](#)
14. [Priscilla Alderson & Virginia Morrow \(2020\) The Ethics of Research with Children and Young People: A Practical Handbook](#)
15. [Farina Madita Dobrick, Jana Fischer, Lutz M. Hagen \(eds.\) \(2018\) Research Ethics in the Digital Age: Ethics for the Social Sciences and Humanities in Times of Mediatization and Digitization](#)
16. [Ethical Conduct for Research Involving Humans, 2018](#)
17. [The Ethics of Social Research, Chapter 4](#)
18. [Protecting Participants and Facilitating Social and Behavioral Sciences Research \(2003\) Surveys, and Social Science Research Panel on Institutional Review Boards, National Research Council](#)

## Ձեռնարկներ

1. [Research Ethics Handbook: Philosophy, History and Theory, Brunel University London](#)
2. [Research Ethics Code and Procedures \(The University of Northampton\)](#)
3. [Guidelines for Research Ethics in The Social Sciences, Law and The Humanities](#)
4. [Schenk, Katie D. and Jan Williamson. \(2005\) “Ethical Approaches to Gathering Information from Children and Adolescents in International Settings: Guidelines and Resources.” Washington, DC: Population Council](#)
5. [Этические принципы при проведении научно-исследовательских работ и публикации результатов](#)

## Հոդվածներ

1. [Dooly M., Moore E. and Vallejo C. \(2017\) Research ethics](#)
2. [Žydžiūnaitė Vilma \(2018\) Implementing Ethical Principles in Social Research: Challenges, Possibilities And Limitations](#)
3. [Palys, T., & Lowman, J. \(2000\). Ethical and Legal Strategies for Protecting Confidential Research Information. . Canadian Journal of Law and Society, 15\(01\), 39-80](#)
4. [Crow, G., Wiles, R., Heath, S., & Charles, V. \(2006\). Research Ethics and Data Quality: The Implications of Informed Consent. International Journal of Social Research](#)

[Methodology, 9\(2\), 83-95.](#)

5. [Wolff-Michael Roth & Hella von Unger \(2018\) Current Perspectives on Research Ethics in Qualitative Research, Forum Qualitative Sozialforschung / Forum: Qualitative Social Research, 19 \(3\), Art. 33](#)
6. [Ross, L. F., Loup, A., Nelson, R. M., Botkin, J. R., Kost, R., Smith, G. R., & Gehlert, S. \(2010\). Human Subjects Protections in Community-Engaged Research: A Research Ethics Framework. Journal of Empirical Research on Human Research Ethics, 5\(1\), 5-17](#)
7. [Gloria González-López \(2011\) Mindful Ethics: Comments on Informant-Centered Practices in Sociological Research](#)
8. [Н.В. Веселкова \(2000\) Об Этике Исследования](#)

## Կայքեր

1. [The Research Ethics Guidebook: a resource for social scientists](#)
2. [Research Ethics: A Handbook of Principles and Procedures](#)
3. [Data protection policy](#)
4. [Ethics Education Library](#)

## 2 ■ Հետազոտություն, փուլեր, ընթացակարգեր

### Գրքեր

1. [Norman K. Denzin, Yvonna S. Lincoln \(2017\) The SAGE Handbook of Qualitative Research](#)
2. [Research Design Qualitative, Quantitative, Mixed Methods Approaches\\_Creswell\\_2nd ed.](#)
3. [John W. Creswell & Cheryl N. Poth \(2018\) Qualitative Inquiry and Research Design: Choosing Among Five Approaches, 4th Edition](#)
4. [Applied Social Research, 10th Edition: A Tool for the Human Services \(2019\) Hilton, Timothy P., PhD, MSW, Fawson, Peter R., PhD, MSW, Sullivan, Thomas J., PhD, MA, DeJong, Cornell R., MSW](#)
5. [Catherine, Dr. Dawson \(2009\) Introduction to Research Methods: A Practical Guide for Anyone Undertaking a Research Project](#)
6. [Ranjit Kumar \(2010\) Research Methodology: A Step-by-Step Guide for Beginners](#)
7. [David Coghlan, Mary Brydon-Miller \(2014\) The SAGE Encyclopedia of Action Research](#)
8. [Social Research Methods, 4th Edition \(2012\) Alan Bryman](#)
9. [D. C. Miller, N. J. Salkind \(2002\) Handbook of Research Design and Social Measurement 6th Edition](#)

10. [The SAGE Handbook of Social Research Methods \(2008\) Edited by: Pertti Alasuutari, Leonard Bickman & Julia Brannen](#)
11. [The Sage Handbook of Applied Social Research Methods \(1998\) Leonard Bickman, Debra J. Rog](#)
12. [Case Study Research and Applications. Design and Methods, 6th ed. Robert K. Yin, D. T. Campbell](#)
13. [Practical Research Methods A user-friendly guide to mastering research techniques and projects DR CATHERINE DAWSON](#)
14. [Gloria E. Bader, Catherine A. Rossi \(2002\) Focus Groups: A Step-By-Step Guide \(3rd Edition\)](#)
15. [Dr. Paul J. Lavrakas \(2008\) Encyclopedia of Survey Research Methods \(2 Volume Set\)](#)
16. [Larry B. Christensen, R. Burke Johnson, Lisa A. Turner \(2014\) Research Methods, Design, and Analysis](#)

### Յոդվածներ

1. [Vogt W. P. \(2008\) The Dictatorship of the Problem: Choosing Research Methods, Methodological Innovations Online](#)
2. [Carrie Williams \(2007\) Research Methods. JBER](#)
3. [Linda T Carr \(1994\). The strengths and weaknesses of quantitative and qualitative research: what method for nursing?](#)
4. [Hamza Alshenqeeti \(2014\) Interviewing as a Data Collection Method: A Critical Review](#)
5. [J. Beyers; C. Braun; D. Marshall; I. De Bruycker \(2014\). Let's talk! On the practice and method of interviewing policy experts. Interest Groups & Advocacy, 3\(2\), 174-187.](#)
6. [Pearce, L. D. \(2012\). Mixed Methods Inquiry in Sociology. American Behavioral Scientist, 56\(6\), 829-848.](#)

# ՅԱԿԵԼՎԱԾ 1.

## ՅԵՏԱԶՈՏԱԿԱՆ ԷԹԻԿԱՆ ՈՉ ՍՏԱՆԴԱՐՏ ԻՐԱՎԻՃԱԿՆԵՐՈՒՄ

Յնարավոր են իրավիճակներ, երբ.

1. Ելնելով հետազոտության նպատակներից՝ անհրաժեշտ է թաքցնել հետազոտող/ների ինքնությունը,
2. Ելնելով հետազոտության արդյունքների յուրահատկությունից՝ անհրաժեշտ է գաղտնիություն պարունակող տեղեկատվություն տրամադրել իրավապահ մարմիններին,
3. հետազոտությունն իրականացվում է խոցելի խմբերի շրջանում,
4. հետազոտությունն իրականացվում է երեխաների/անչափահասների հետ:

Բոլոր այս դեպքերում խորհուրդ է տրվում.

1. Օգտվել մասնագիտական գրականությունից և կիրառական ձեռնարկներից, ուղեցույցներից. դրանցում արդեն առկա է բավականաչափ օգտակար տեղեկատվություն նմանատիպ իրավիճակներում ճշգրիտ որոշումներ կայացնելու համար:
2. Խորհրդակցել հետազոտողների համայնքի հետ. շատ հետազոտողներ նախկինում բախվել են նման երկընտրանքային իրավիճակների, և նրանց փորձը խիստ օգտակար կարող է լինել:
3. Խորհրդակցել տվյալ խնդրի հետ առնչվող ոլորտային կազմակերպությունների և փորձագետների հետ. նրանց ուղղորդումները և նախկինում ունեցած փորձը ևս կարող են օգնել լուծել երկընտրանքը:



# ՀԱՎԵԼՎԱԾ 2. ՏԵՂԵԿԱՑՎԱԾ ՀԱՄԱՁԱՅՆՈՒԹՅԱՆ ԹԵՐԹԻԿԻ ՆՄՈՒՇ

Համաձայնության թերթիկում պետք է արտացոլված լինեն հարցվողի իրավունքների վերաբերյալ մի շարք կարևոր կետեր: Հետազոտության նպատակից կախված՝ թերթիկը կարող է ունենալ տարբեր բովանդակություն, սակայն կան որոշակի սկզբունքներ, որոնք հիմնականում ընդհանուր են բոլոր նմանատիպ համաձայնության թերթիկների միջև:

Ստորև ներկայացվում է տեղեկացված համաձայնության թերթիկի նմուշ:

### Տեղեկացված համաձայնության թերթիկ

[Հետազոտության անվանում]

Ստորագրելով սույն համաձայնության թերթիկը՝ հաստատում եմ, որ.

1. Համաձայն եմ կամավոր կերպով մասնակցել այս հետազոտությանը:
2. Գիտակցում եմ, որ կարող եմ ցանկացած պահի ընդհատել իմ մասնակցությունը հետազոտությանը կամ հրաժարվել պատասխանել ցանկացած հարցի, առանց որևէ հետևանքների:
3. Ինձ հստակ կերպով բացատրվել է հետազոտության նպատակը և բնույթը, և ես հնարավորություն եմ ունեցել հետազոտության վերաբերյալ հարցեր տալու:
4. Հասկանում եմ, որ մասնակցությունս ենթադրում է, որ պատասխանելու եմ հարցազրույցի ընթացքում հետազոտողի կողմից տրված հարցերին:
5. Գիտակցում եմ, որ մասնակցությանս դիմաց որևէ պարգևատրում չի նախատեսվում:
6. Համաձայն եմ, որ հարցազրույցը ձայնագրվի:
7. Գիտակցում եմ, որ ցանկացած տեղեկատվություն, որը կհայտնեմ հարցազրույցի ընթացքում, լիովին գաղտնի կպահվի:
8. Հասկանում եմ, որ հետազոտության արդյունքների ներկայացման մեջ անանուն կպահվեն իմ և այն մարդկանց ինքնությունը, ում մասին ես կխոսեմ:
9. Հասկանում եմ, որ հարցազրույցի որոշ հատվածներ կարող են ուղիղ խոսքով անանուն մեջբերվել հետազոտության հաշվետվություններում:
10. Հասկանում եմ, որ իրավունք ունեմ հետազոտության հետ կապված հավելյալ բացատրությունների կամ տեղեկատվության նպատակով կապ հաստատել հետազոտության համակարգողների հետ:
11. Ինձ փոխանցվել է այս թերթիկի պատճենը:

[Հետազոտողի պաշտոն, աշխատավայր, էլ.փոստ, հեռախոսահամար]

Մասնակցի ստորագրություն

Հետազոտողի ստորագրություն

Ամսաթիվ \_\_\_\_\_

Ամսաթիվ \_\_\_\_\_



ՄՈՑԻԵՍ փորձագիտական կենտրոն

Երևան, 2021